



№72 (9959)  
12 қыркүйек  
сейсенбі  
2023 жыл  
Газет  
1934 жылғы  
10 қаңтардан  
бастап шығады.

Ауданның қоғамдық-саяси газеті

# Журнал

## Жаңа аршысы

Қызылорда облысы

Жалағаш ауданы

### Аймақ жаңалықтары



## Аудан әкімдерін халық сайлайды

Күні кеше облыстық мәслихаттың кезектен тыс VI сессиясы өтті. Оған облыс әкімі Нұрлыбек Нәлібаев қатысты. Сессиясының күн тәртібінде Қызылорда облысы бойынша аудан, облыстық маңызы бар қала әкімдерінің сайлауын өткізу үшін пилоттық аудан және облыстық маңызы бар қалалардың тізбесін бекіту, сайлау өткізетін күнді белгілеу туралы екі мәселе қаралды.

Президент бастамасымен іске қосылған ауыл әкімдерін тікелей сайлау демократиялық үрдісінің қисынды жалғасы – аудан әкімдерін сайлау.

Әкімдер сайлауы – Мемлекет басшысының басты реформаларының бірі. Өздеріңіз білетіндей, 2021 жылдан бері аудандық маңызы бар қала, көп және ауылдық округ әкімдерінің сайлауы жүргізіліп келеді. Екі жылда облыс бойынша 100 әкім сайлауы өткізіліп, нәтижесінде 54 әкім Жаңадарияда атап өткендей, аудан әкімдерінің пилоттық сайлауы. «Қазақстан Республикасындағы сайлау туралы» Конституциялық Заңына сәйкес пилоттық өңірлердің тізбесін және аудан, облыстық маңызы бар қала әкімін сайлауды өткізу күнін белгілеу туралы мәслихаттың шешімі сайлау тағайындауға негіз болады. Бүгін сіздермен қабылданатын шешім халықтың билікке деген сенімін күшейтуге және «Халық үшін құлақ асатын мемлекет» тұжырымдамасын толық көлемде іске асыруға мүмкіндік береді, – деді облыс әкімі Нұрлыбек Нәлібаев.

Бұдан кейін күн тәртібіндегі бірінші мәселе бойынша облыстық мәслихаттың депутаты А.Оңғарбаев ұсыныс енгізіп, сессияға қатысқан 23 депутаттың бірауыздан дауыс беруі арқылы пилоттық сайлау өтетін аудандар айқындалды.

Күн тәртібіндегі екінші мәселе бойынша облыстық мәслихаттың төрағасы Н.Байқадамов «Қазақстан Республикасындағы сайлау туралы» Конституциялық Заңына сәйкес аудан, облыстық маңызы бар қала әкімін сайлауды тиісті аумақтық сайлау комиссиясы мәслихаттың шешімімен белгіленген, аудан, облыстық маңызы бар қала әкімін сайлауды өткізетін күнге дейін кемінде елу күн бұрын тағайындайтынын хабарлап, сайлау күнін белгілеу бойынша ұсыныс енгізді.

Мәслихат шешімімен Шиелі және Сырдария аудандарында пилоттық аудан әкімінің сайлауы өтетіні айқынданып, сайлауды өткізу күні 2023 жылы 5 қарашаға белгіленді.

«ЖЖ» ақпарат

### Өңір өнімі


## Сапалы өнім сұранысқа ие

«Егін ексең, ебін тап, Ебін тапсаң, жерін тап» демекші, биыл аудандағы Жаңадария ауылында бақша өнімдеріне басымдық берілді. Ауылда өткен өңбектің жемісін көру үшін тұрғындар көктем мезгілінен бастап дайындалады. Содан кейін күзден бастап халыққа өнімдерін ұсынады. Бақшаның бабын білген халықтың да көңілі тоқ.

Ақнұр АЛТЫНБЕК

Жаңадария десе аудан халқының көз алдына қауын-қарбыз елестейтіні анық. Себебі жыл сайын шалғайдағы ағайын бақша өнімдерін баптауды қолға алады. Ал бұл өнімді халыққа ұсынып жатқан шаруашылық иелерін көбіне бағаламай жатамыз, кейде кәсіптің бұл түріне қызығатынымыз тағы бар. Жаңадария – аудан орталығынан шалғай демесеңіз, ауыл шаруашылығын дамытуға қолайлы елді мекен. Жергілікті тұрғындар ауылдың абаттануына, елді мекен халқының өлеуетінің артуына, экономикасының ығысуына жұмыс жасауды әдетке айналдырған. Сонымен қатар тұрғындардың талап-тілегі де, шешімін табуы тиіс мәселелер де баршылық. Сол мәселелердің бірі – аяқ су тапшылығы. Аяқ су тапшылығының алдын алу ауыл үшін өте маңызды екені сөзсіз. Өйткені ауыл халқының барлығы дерлік егін шаруашылығымен айналысады. Егін егip, алажазды өңбектеңіп, қоңыр күзде өнімнің берекесін көруді әдетке айналдырған. Сондықтан ауыл азаматтарына қолбайлау болатын мәселенің ең әуелгісі де осы.

Жаңадарияда бақша өсіруді қолға алуды шектелмей, кәсіби арқылы халыққа да пайдасын тиігізіп отырған шаруашылық иелері өте көп. Солардың бірі – Нартай Зинуллаұлы.



Жаңадарияның қауын-қарбыздары ауданның, сонымен қатар қала тұрғындарының көңілінен шығып жататыны қуантарлық жайт. Дәл осындай дәмді ері мол өнімді алу үшін біз көктем мезгілінен бастап, жер жыртып, дән егіп, суарып дайындаламыз. Содан кейін халыққа тұтынуға дәмді бақша өнімдерін алып келеміз. Мәніз бұл кәсіп түрімен айналысып жатқанымға көп уақыт болған жоқ, биыл алғаш рет бастадым. Нәтижесін көру үшін үлкен күш, еңбек қажет. Биыл аяқ су аз болып, өнімнің шығуына кішкене кедергі болғаны бар, бірақ қол жайып отыра берсек, істің нәтижесі болмайтыны белгілі ғой. Еңбек етсең, түбінде берін жеңіп шығасың. Біз де барынша өңбектеніп, осының өнімнен үміт күттік, нәтижесінде Жер анамыз ренжітпей мол өнім берді. Күніне жүк көлігіне тиеп алып келеміз, күніне 100-150-ге жуық қауын сатылады. Нәтижесінде күз аяғына дейін 15-20 тоннадай өнімді халыққа ұсынамыз. Бұл өңбектің арқасында тек өзіме ғана емес, халыққа да пайда тиетініне қуаныштымын, – деді шаруа адамы Нартай Пірманов.

Шаруашылық иелерінің көбісімен сөйлесіп, қауын-қарбыз секілді бақша өнімдері мен олардың күтімі жайында біраз дерекке қанықтық, жалпы бақшаның жайы, оларды халыққа ұсыну мен қиындықтар жайында сұраған болатынымыз. Басты шешімі табылмай тұрған мәселенің бірі ауылдан ат терлетіп қауындарын сатуға көлгендердің сату кезінде тұратын жалдамалы орны көңіл көншітпейді екен. Тұтынушыларға қажетті бақша өнімдерін ұсыну үшін жалдап тұрған орындары өздеріне қолайсыз екен. Бірақ басқа орын жоқ, амалсыздан осы жерді жалдап тұруға тура келеді дейді шаруа иелері. Тіпті жалға алған жердің төлейтін ақысы да сол жерге лайықты емес, тым құрығанда жерге су сөйіп, шаң басуға да жұмыс жасалмаған, бақша өнімдерін сататын бақша орын болмағандықтан олар бақша өнімдерін осында сатылымға шығарады. Біз барғанда шаруашылық иелері ең алдымен осындай бір екпесімен бөліскен болатын.

Десе де өтпей жатқан өнім жоқ, Жаңадарияның қауын-қарбызын аудан орталығындағы ағайын таласы алып жатыр. Демі де тіл үйіреді, бағасы да қалтаға қонымды. Бақша баптауды дестүрге айналдырған Нартай ағамыз келер жылы егіс көлемін ұлғайтып, бақша да өнімдерге басымдық беретінін айтады.

### Дала дарабозы

## Еңбегі еселі егінші

Алтын күздің нағыз берекелі шағы – егін жинау науқаны. Екі мәрте Социалистік Еңбек Ері атанған Ыбырай Жақаев егінші жастарға «Егінді өсіре білуің – ең алғашқы асуды алуың, ал өнімді ысырапсыз жинап алуың – халыққа тартқан асылың» деп айтқан болатын. 25 жылдан бері дала төсінде тер төгіп, күрішпен сырласып, мол өнім жинаудың қыр-сырын білетін кейіпкеріміз Пернебай Қарамендиев өлі де ауданда күріштің күтімін жасап келеді.

Ақтоы БҮРКІТБАЙ

Ата-бабаларымыз ертеден таңның атысы, кештің батысына қарамай, алқап басындағы бейнетке ат салысып, егін егіп, суарып, баптап, оны текпей-шашпай жинап алуға қамданған. Осы жолда өзінің берекелі ісімен танылған, жұмыстың барлық қиын сатыларынан өткен, қызметте ысылған, еңбегі еселенген, күріш саласын толықтай меңгерген маман – «Ақ Бостай» шаруа қожалығының күрішшісі Пернебай Қарамендиев.

25 жылдан бері дикан болған кейіпкеріміз Пернебай Қарамендиев – бүгінде егіннің қыр-сырын жетік білетін күрішші. Ол 1956 жылы Ақсу ауылында дүниеге келген. 1963-1971 жылдары ауылдағы сегіз жылдық мектепті бітіріп, 1971-1973 жылдары №202 мектептен білім алған. 1974-1976 жылдары Германияда әскери борышын өтеп, «Гвардия» медалімен марапатталған. Еңбек жолын ең алғаш 1976 жылдың маусым айында Ақсу совхозында күрішші, механизатор болып бастаған.

Кейіпкеріміздің ауыл шаруашылығына қосқан еңбегі елеусіз емес. Бүгінде дейін бірнеше мәрте ауылдық, аудандық, облыстық «Алтын күз» шараларында марапат төрін көрініп

жүр. «Дикан жерін анасындай сүйеді, жер диканға баласындай иеді» демекші, алты ай бойы егіс алқабында тер төккен күрішшінің бейнеті мол. Осындай шаруаның шырайын күргізіп, өнім алуға рекорд орнатқан Пернебай Қарамендиев 1983 жылы 50 гектар күріш егіп, әр гектардан 70 центнер өнім алып, озат күрішші атанса, 1984 жылы әр гектардан 65 центнер, 1987 жылы әр гектардан 80 центнер өнім алып, ауданның, ауылдың үздігі атанған. 1990 жылы әр гектардан 63 центнер өнім алып, ауыл дикандарының алды болды, 2009 жылы облыста көш бастап, Алматы қаласындағы «Алтын күз» салтанатты шарасына қатысып, жүлделі орынға ие болды.

Кейіпкеріміз 1971-2017 жылдары да ауылда үздік атанған, 2019 жылы «Озат бригадир» номинациясына ие болды.

Бала жасынан ауыл шаруасына ерте араласқан ел ағасы – бүгінде егістік алқабында өнім бітік майталман күрішші. Өз ісіне мығым дикан жерді мөлелеп, алтын дәннің бабын табуға қажырлы еңбек пен үлкен ізденіс қажет екенін айтады.

Күрішші биыл өзінің қарамағындағы 41 гектар жерге Сыр салысының «Лидер» сұрпын сөйіп, гектарынан 80 центнер өнім алуды көздеп отыр.

Көктем келісімен егіс даласына Сырдың басты дақылын егіп, мөлеленді. Күріш те бала секілді. Қалай баптап өсірсен, солай өнімін береді. «Күріш – суымен ырыс» демекші, күрішті егіп болған соң суға бастырамыз. Оны егінжайға орақ түскенше уақытылы суарып, күтіммен қараймыз. Күріш дұрыс шығуы үшін дұрыс суара білу керек. Себебі мол өнімге қол жеткізуде күріштен шашуа шығармай жинап алып, жауапты науқанға белсенділік таныту – әрбір азаматтың парызы.

Кейіпкеріміз «еңбек етпесең, елге өкпелеме, егін екпесең, жерге өкпелеме» деген тәмсілді үнемі көперде ұстайды. Таң бозарғаннан егістікке қарай бет алып, тынымсыз еңбек етуден шаршамайтын шаруа адамы, тәжірибелі маман Арда азаматтың бойындағы қайтпас қайсарлығы мен байсалдылығы, жұмысқа деген құлшынысы жастарға үлгі.

Бастысы, жасы алпыстың асқарынан асса да бейнеттің бел ортасында жүргені қуантты. Ол – тек іскер азамат қана емес, отбасында жары Аманқұл апай екеуі 2 ұл 3 қыз өсіріп,

арттыруға өз үлесін қосып келеді. Баптай білгенге жер жомарт қой, – дейді дала еңбеккері Пернебай Қарамендиев.

Күз – береке мен мерекенің, ырыс пен несібенің айы. Егінжай мен қырман басында қызу жұмыстың қайнаптын кезі, тау-тау астықтың ел қамбасына құйылар шағы. Еңбек мейталмандарының күн-түн демей тіршілік қылатын уақыты. Бір сөзбен айтқанда, бұл – еліміз үшін жауапты да шешуші кезең. Осынау кезеңде күріштен шашуа шығармай жинап алып, жауапты науқанға белсенділік таныту – әрбір азаматтың парызы.



олардан 12 немере сүйіп отырған үлкен бір әулеттің алтын қазығы. Ауыл шаруашылығы саласын өркендетуде тынбай еңбек еткен еңбек адамы Пернебай Қарамендиев қашанда құрметке лайық. Оның егіс даласындағы елеулі еңбегі кейінгі ұрпаққа үлгі болып қала бермек.





